

## Universitätsbibliothek Paderborn

**Ioannis S. R. E. Cardinalis Bona Opera Omnia**

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis  
Ritibus omnium Ecclesiarum in psallendis Divinis Officiis, Tractatus,  
Historicvs, Symbolicvs, Asceticvs. Sive Psallentis Ecclesiae Harmonia -  
Opus novum, & curiosum, ac multiplici eruditione illustratum ... Operum ...

**Bona, Giovanni**

**Parisiis, 1678**

§. 3. Magna esse vespertini temporis Sacraenta. Notantur quaedam de  
Epistolis laureatis. Pacis encomium, & ad eam exhortatio.

**urn:nbn:de:hbz:466:1-9929**

proficiens in melius, Deique gloriam cum ineffabili gaudio contemplans lætus sedet, vacuus dormit, qui escit securus, prohibente Domino, & contestante, ne quis dormientem præter ejus voluntatem excitare præsumat. De primis, id est incipientibus, & adhuc gementibus sub pondere diei, & æstus scriptum est, (*c*) *Venit manè, venit nox*: nam matutinam gratia illustrationem statim sequitur horribilis nox, ululatus, & planctus magnus, timor, & tremor, ac incessabilis gemitus pro remissione peccatorum obtainenda; fluctuante nimirum conscientia inter spem, & timorem, donec verbo Domini tenebræ, quæ sunt super faciem abyssi, plenioris luminis illustratione dissipentur. De secundis, qui jam pulso timore singulariter in spe constituti dormiunt in pace, mysticè intelligo, quod in mundi creatione Moyses sæpius repetit, Factum est vespere, & mane. Illis post mane sequitur nox: istis post vesperam sequitur mane, nec ulla fit mentio noctis. Ut enim subtiliter notat sacrae purpuræ insigne ornamentum (*d*) Petrus Damiani, Vesper ipsa boni operis est perfectio, mane vero lux mentis. Nam cum bonum opus pervenit ad perfectionem, tunc in operantis mente lux gratiæ spiritualis exoritur, ut dum lucidum opus foris exequitur, intrinsecus ipse gratia Spiritus illustretur. Nulla autem nox iis computatur, quoniam divina perfusi claritate amicti sunt lumine sicut vestimento.

## §. III.

*Magna esse vespertini temporis sacramenta. Notantur  
quædam de epistolis laureatis, Pacis encomium,  
& ad eam exhortatio.*

I. **S**ed quorsum hæc tam multa, tamque conquisiti? Nempè ut susceptam de vesperris tractationem symbolicis explicationibus illustrem clarius exerceat. Psal. 21. 12. d. Petr. Damian. epist. 5. libro 2.

quamur. Quis enim hac hora non solitò ferventior in Dei laudibus inveniatur, quæ tot mysteriis insignis habetur, tot sacramentis nobilitatur? Eleganter ad hoc hortatur omnes (*a*) Ambrosius: Cum vespere diem claudit; Deo debemus per Psalterium laudem dicere, & gloriam ejus modulata suavitate concinere, quod operum nostrorum consummato certamine veluti vi-  
tores requiem mereamur, & laboris quædam palma sit soporis oblivio. Omitto pleraque sacramenta, quibus hæc hora illustratur. Omitto inquam, quod vespertinum officium diurni finis, diurnæ & alternae lucis occasus est: atque idè seculi hujus interitum, vitæque nostræ finem demonstrat, ut (*b*) Hieronymus Presbyter, Salonius Episcopus, Olympiodorus, & Cæsarius luculenter ostendunt. Omitto quod in umbra veteris testamenti vespertinum sacrificium quotidie offerebatur. Omitto quod ipse Dominus gentem suam à jugo ferreo Ægyptiacæ servitutis solemini strage primogenitorum liberatus, Agnum sine macula ab universa multitudine filiorum Israël ad vesperam immolari præcepit. Cujus vespertini sacrificii nos mysticam exprimentes intelligentiam cantamus quotidie *cum* (*c*) Psalmographo, *Dirigatur Domine oratio mea sicut incensum in conspectu tuo, elevatio manuum mearum sacrificium vespertinum.* Illud quoque commendat vesperarum dignitatem, quod in sacra Genesis historia legimus. Noë vir justus atque perfectus scire cupiens post cataclysmum an tellus jam sicca, & detecta egressionem è tetro carcere permitteret, columbam emisit exploratricem. *At illa, ait (d) sacer textus, venit ad eum ad Vesperam portans ramum obliuia virentibus foliis in ore suo.*

(*e*) *Ergo emissâ semel vitali è sede columba*

*Nil referens certi, rursum dimissa reportat*

*Paciferae frugis parvum libamen olivæ.*

*a* Ambros. c. 2. in fine com. in Malach. *b* Hieron. Salon. Olimp. ad cap. 1. Eccles. Cæsar. in f. dial. 1. *c* Psalm. 140. *d* Gen. 8. 11. *e* Claud. Mar. Victor libro 2. com. in Gen.

Consules, & Imperatores Romani post debellatos Imperii hostes literas laureatas ad Senatum mittebant triumphalis victoriae nuncias, ut solus epistolæ aspectus non nisi prospera, & felicia indicaret. Narrat id Romanæ historiæ (f) princeps, eumdemque morem recentent Julius Capitolinus, Aelius Lampridius, Cornelius Tacitus, & ex recentioribus Alexander ab Alexandro. Deus verò pro epistola columbam misit oleæ virentis ramulo insignitam, è cuius aspectu statim vir sapiensissimus intelligeret magnam illam aquarum conflugem imminutam, pristinamque terris faciem redditam esse. Explicat elegantissimè totius mysterii seriem (g) Ambrosius libro de Noë. Volat autem columba, dum dies est; ingruentibus tenebris ad justum revertitur, quia justitia, & pax in tenebrosis iniquorum peccatoribus quiescere nequaquam possunt, nisi diluvia passionum omnimodis deferbuerint. Emiserat Noë corvum avem rapacem, & symbolum habentem cum divina justitia, & cum vespere severitatis. Nam apud Hebræos vespere dicitur *H̄ereb*, corvus *H̄oreb*, jis dem literis puncto dumtaxat immutato. Ibat ille, & non revertebatur quasi gaudens in executione justitiae, donec cessarunt aquæ, & datus est locus misericordiae, & emissâ columba decerptum ex oliva surculum indicem pacis ad vesperam deportavit.

II. Monemur hic saluberrimo consilio (h) Apostolicum in omnibus sequi mandatum, omnino præcaventes ne sol occidat super iracundiam nostram. Sic vere columbæ erimus dorso aureo, pennisque deargentatis fulgentes: sic germen virentis olivæ ore nostro portabimus ad' vesperam, si sole ad occasum appropinquante pacem loquamur cum proximo nostro pacem cum nobis ipsis, & pacem habeamus ad Deum: sic delectabimur in multitudine pacis, & pacis non erit finis. Quod splen-

f T. liv. lib. 5. dec. 1. Jul. Capit. in Maximino. Lamprid. in Alex. Severo. Tacit. in vita Agric. Alex. ab Alex. dici. genitium l. 1. c. 27. g Ambros. bro de Noë c. 19. h Ad Ephes. 4. 26.

dor in igne, quod serenitas in aëre, aquod trāquilitas in mari, quod amœnitas in terra, id pax in corde. Ipsa enim est, ait (*i*) Magnus Leo, quæ parit filios Dei nutrix dilectionis & genitrix unitatis, requies beatorū & æternitatis habitaculum, cuius hoc opus proprium & speciale beneficium est, ut jungat Deo quos secernit de mundo. Age verò, scribit (*k*) Dionysius Areopagita dictus Theosophus, ut testatur Hilduinus: Age verò divinam, conciliandiique principem pacem pace dignis laudibus ornemus. Ea enim est, quæ omnia conjungit, atque inter omnia concordiam, connexionemque & gignit, & absolvit. Itaque eam omnia expetunt, quod dividuam ipsorum multitudinem ad totam conjunctionem traducat; intestinumque bellum hujus universitatis ad ejusdem generis domicilium conjungit. Hæc & alia plura diffusè, & abstrusè de pace Dionysius. Eandem multipliciter commendat vir eximius (*l*) Potho Prumiensis libro primo de statu Domus Dei, atque inter cætera hæc habet. Pactum pacis est, quo Deus in Christo mundum sibi reconciliavit. Ingrediens quippè mundum Salvator, pacem nobis per Angelos annunciat. Egrediens de mundo, testamentum pacis fidelibus suis reliquit, dicens Apostolis, & in Apostolis nobis: (*m*) *Pacem meam do vobis. pacem relinquo vobis.* Missis etiam in mundum prædictoribus præcepit. (*n*) *In quamcumque domum intraveritis, primum dicite: Pax huic domui: quod si ibi fuerit filius pacis, requiescat super eum pax vestra.* Qui ergo sunt filii pacis, hi per gratiam pacis habitant in unum. O beata pax, o jucunda tanquillitas! Tu perfectio sanctitatis es, tu justitiae regula, tu magistra doctrinæ, tu morum custodia, tu puræ mentis indicium, ac omnium desideriorum amplissima plenitudo. Custodienta igitur præ omnibus virtutibus pax est, ait (*o*) Petrus Chrysologus, quoniam Deus semper in pace est.

*i* Leo ser. 6. de Nat. *k* Dionys. Areopag. c. 11. de div. nom. Hilduin. in Areopagitice. *l* Potho Prumi. libro 1. de domo Dei. *m* Lucez 2, 14. Joan. 14. 27. *n* Luc. 10. 5. *o* Chrysol. item. 53.

DE VESPERIS.  
METRUM XXII.

**O** Sincera parens beatitatis,  
 Cæli delitium, Deique proles,  
 Pax terræ columen, decusque morum,  
 Pax cunctis potior ducum triumphis,  
 Quos mundi colis abditos recessus?  
 Hic te sollicito requirit astu,  
 Urbanos fugiens procul tumultus.  
 Hic inter scopulos, vagosque fluctus,  
 Spumantis pelagi latere credit.  
 Hic deserta petit loca, & per antra  
 Te quærens varias peragrat oras,  
 Qua lucens oritur, caditque Titan.  
 Hic ut te celer assequatur, aurum  
 Congestum colit, atque dignitatum  
 Regalem sibi preparat decorum.  
 Hic æmens juga scandit, & remotos  
 Perscrutatur agros: tamen supernæ  
 Hi pacis nequeunt bonis potiri.  
 Cur sic ergò tuum benigna Numen  
 Celans implacidum relinquis orbem?  
 Pacem sic ego sciscitabar: illa  
 Respondit. Proprio imperare cordi  
 Si nosti, tibi cognitumque Numen,  
 Possessumque meum est: sinu receptam  
 Sic me perpetuo coles amore.

## §. I V.

Vesperarum ex novo Testamento prærogative. Vesper mundi  
 finem significat. Oratio ad Dominum, ut  
 nobiscum manere dignetur.

I. **S**Ed ad novum Testamentum accedo, cuius veritas,  
 & gratia vergente mundi vespere admiranda divini